



Fedde ngam Bamtaare
Demngal Wolof e Muritani
(APROLAWORIM)



Fedde Bamtaare Pulaar e
Muritani (FBPM)



Fedde Muritaninaare
Bamtaare Demngal e Pinal
Sooinke (AMPLCS)

Toddogol terde Diiso Ngenndiiwo Jañde

Jokkorde pelle pinal ngenndiije, hono FBPM, AMPLCS, e APROLAWO, suniima nde nani terde Diiso Ngenndiiwo Jañde (DNJ) toddaama, tawi hay heen gooto joodanaaki dum heen.

Caggal mbayliigaaji jañde keewdī, baadi nii heewde ko ngalli, min cikkunoo ko yontanii Muritani hankadi subaade jañde tuugiinde he demde ngenndiije, haa teenji noon e tolno lesleso, tawi kadi ine semmbini dum heen :

- humpito dañaango he nder leydi men e kitaale 80 rewrude e Dudal Demde Ngenndiije ;
- haralleebe jañde fof ine kawri, he nder winndere ndee, he konngol gootol, wonde ko demngal neeniwal woni « coktirgal ekkagol juumtungol » ;

Kono kadi gila he feccere 2018, maale coftinoje ummoriima he to buri toowde he laamu nguu, paatude e naattingol demde ngenndiije dee kala he nder Tippudi Nehdi e Jañde men. He deen maale, eden mbaawi limtude :

- Ko hooreejo leydi jooni oo huninoo he kampaañ subngo hooreejo leydi e hitaande 2018 ;
- Pellitgol Suudu sardī huubnude nantingol he denndaangal demde leydi ndii, e subaade yo pelle pinal ngenndiije dee yo ngon gollodiibe mum subaabhe he nder ciynugol ndee feere ;
- Pottital badanoongal e jaagorgal Jañde, e Heblo Karallaagal kam e Mbayliigu Jañde leydi ndii ñalnde 12 feebariyee 2020, nde pelle pinal dee totti mo Dallinannde mum en, ñaagii mo jeyeede e DNJ ngoo ;
- Cosgol Goomu parlemaa daraniingu Bamtaare demde ngenndiije ;
- Konngol jaagorgal Jañde leydi ndii e kewu juutagol golle nguun Goomu sardoobe, ñalnde 10 settaambar 2020, nde o wiyata wonde « jañde demde ngenndiije jeyaa ko caldi kimmudi mabayliigu jañde paangu nguu » ;
- Naatnugol jañde demde ngenndiije dee kala to Dudal Ngenndi ngal Njuubbudi laamu e Jaaynugol e Ñaawoore (ENAJM), kam e gollodogol mum juumtungol e pelle pinal dee e nder duum ;

Dii sababuujji fof ine kollita wonde ine jojjunoo Pelle pinal dee toddanee joodaniibe dum en he nder ndii njuubbudi cubanoytoondi leydi ndii laabi mum jañde, tee emin daabbi nde dum feewnittee e ngoon yeeso. Sibu kadi ko dee pelle puffi jañde he nder demde ngenndiije he leydi hee, kono kadi ko kañje moofti denndaangal kattande donanoode e Dudal Demde Ngenndiije booyngal ngal.

Nuwaasoot ñalnde 28 feebariyee 2021
Jokkorde pelle pinal ngenndiije